

大寶積經

籍

第七十八

皇八

八十

47586



元祿九年丙子二月日重脩

皇圖葉圖 帝潛銀昌

佛日增輝 懺輪常轉

山城州天安寺法金剛院置



大寶積經卷第七十八

皇


姚秦三藏鳩摩羅什譯

富樓那會第十七之二

具善根品第四

爾時佛告富樓那菩薩摩訶薩發於大乘常當修習親近四法則能具攝一切善法亦能

具足一切善根何等四富樓那善男子善女人發大乘心修習親近行忍辱法如是修行忍辱法時如心平等故則得平等波羅蜜亦得一切衆生平等波羅蜜是菩薩成就心平等波羅蜜蜜智平等波羅蜜若行若立若坐若臥若覺若睡時有人來若持屎瓶若持毒餅



若持沸湯瓶若諸糞掃若持火炭若持屎尿
若持熱灰搥其頭上若搥其身菩薩於此不
應瞋恨令心散亂而生忿恚不應自言我有
何罪又不應以惡心視彼但應一心求自利
法於所修事專心不捨應當如是調伏其心
是人為以何因緣故持此屎瓶毒瓶灰火來
加我身我身不以此物因緣而得痛惱菩薩
是時應如是觀衆因緣法誰與此物此物與
誰以何物與是人如是如實思惟不見有法
誰是與者誰是受者何者是法如是正念思
惟觀時此彼不可得故一切諸法皆不可得
皆不可見是菩薩不得不見一切法故不生

瞋恨富樓那若菩薩如是思惟猶有瞋恨心
起復應如是正念思惟何觸因緣使我身痛
是諸觸者為觸何處為在於身為在於心若
在身者身如草木瓦石影像無覺無知非我
非彼若在心者心無形色念念生滅須臾不
住非我非彼但以虛妄憶想分別說言是苦
是樂不苦不樂我今不應生此虛妄憶想分
別我今應觀平等實相我當修習賢聖所作
不應隨逐凡夫所作何等為是賢聖所作謂
於諸法遠離解脫我為遠離故學不為和合
故學如是虛妄憶想分別是皆和合為誰和
合為是貪欲和合為是瞋恚愚癡和合云何

名為貪欲瞋恚愚癡和合以身癡故身見癡
故貪身見故身受苦時瞋恚他人是名瞋恚
和合有以身見癡故貪身見故不隨意故瞋
恚他人是名愚癡和合若人如是三毒所縛
或起如是罪業因緣諸佛不救何況餘人我
應善觀諸因緣法觀於空法菩薩如是隨順
正觀諸因緣法不見有法誰與誰受以何物
與尔時菩薩當作是念一切諸法從眾緣生
自性本空定不可得我富云何於無所得虛
妄法中得法作業而生瞋恚起行因緣我今
應生無瞋恨心修行無作無起無生之法當
觀空法不隨我心我念應觀不作不起無生

之法不應依止起作之法我應如實思惟諸法我今不應於此虛妄無所有中而強作法虛妄強作謂是瞋恨所以者何依止法體則有瞋恨諸法實相畢竟空中無法本體可依止者菩薩如是思惟諸法其心寂然瞋恨不起又是菩薩若行若立若坐若卧若覺若睡時有人來以好美香末香塗香以好名華散其身上若以上妙香華瓔珞瞻蔔華鬘婆梨師華鬘衆華瓔珞以覆其身若以上妙細軟衣服謂加尸衣若拘攝衣若拘珍婆衣若憍施耶衣若芻摩衣若劫貝衣若細欽婆羅若細繒衣以如是等柔軟細衣以覆其身若以

上妙繒蓋幢幡張施其上若以諸天名華香
妙衣珍寶瓔珞以覆其身若以天上甘美飲
食而以進上菩薩於此種種供養不應生愛
令心貪著不以此緣親附其人隨順其意往
來問訊不應偏心而起愛著菩薩於此應以
等心通達一切諸法平等應作是念我於衆
生不應瞋恨不應愛念所以者何憎愛二事
俱是煩惱我今於此不應生愛應善通了諸
法如實所以者何諸煩惱中愛緣所合此最
為重如是煩惱深徹骨髓謂於能生結使法
中愛心染著所以者何所貪著事若不隨意
則生瞋恨人皆自欲貪愛其身有侵惱者則

生瞋恨是故當知瞋恚則是深愛果報貪著
則是愚癡果報我今當離深愛惡心於諸法
中無所貪著我等不為貪欲故學不為瞋恚
故學不為愚癡故學我當廣學諸法真實於
諸法相如實觀之隨所說中當如實行但應
依止業報因緣於諸供養苦惱事中當知皆
是宿業行緣是故於諸隨順法中不生喜愛
違逆法中不生瞋恨但應清淨其心無所忿
恚不令隨愛隨瞋隨癡惡法得生於心富樓
那菩薩成就此初法者能得具足一切功德
今時世尊欲明了此義而說偈言
我常讚智慧 亦讚持戒者 稱揚行忍辱

亦常讚多聞

我讚行善法

慈心愛語者

為饒益衆生

隨宜讚衆德

我常訶五欲

瞋恨愚癡人

嫉妬慢諂曲

濁亂燒衆生

懈怠懶惰心

慵戾難與語

背恩無反復

小事發大恚

貪求於利養

我當得利養

不欲令人得

是等我不讚

小智於利養

自欲嫉彼得

於他家生苦

是等我不讚

為求得利養

轉易威儀行

此命非清淨

離我法甚遠

不修行道者

有此諸過咎

是等惡道緣

無一事可讚

不斷惡我見

貪愛心則多

貪愛心多故

勤求於利養

菩薩作是念

行忍益衆生

摧伏剛強心

疾得成佛道
而知諸法空
是法興於心
妄想生三界
則無如是過
常觀諸法空
憍慢所傷害
若人從東來
以搥其頭上
何法名爲我
何罪而見加
知是宿業緣

我當行慈心
從緣無所屬
妄想生瞋恚
相續身不絕
常思量諸法
而能度一切
爲說滅苦法
南西北四維
我不生瞋心
觀以勤精進
但發堅強思
今受此果報

忍辱愍衆生
何緣有諸法
不念則皆空
不分別妄想
知皆從緣生
離戒苦衆生
多有所饒益
執持屎毒瓶
誰與誰受者
不惡色視彼
慈心覆於彼
償已更不作

安住佛道中
此必是業緣
常起善惡業
若還以惡報
而加於彼人
度脫衆生類
瓔珞供養我
憎愛則非道
誰與誰受者
空無與無受
空無有煩惱
空中無分別

餘人無有此
雖久而不失
我今受此苦
後復受苦果
當求無上法
一切諸苦惱
不應生愛心
常應行捨心
空與空受耶
一切皆無我
亦無有清淨
空中無諸性

輕毀苦惱事
衆生在世間
當知是業緣
寧可以惡事
求已爲人說
若人以香華
當習平等觀
當正觀諸法
內空外亦空
空無有貪離
離垢淨是空
空常空無相

是比清淨道
於中不生志
隨業自受果
今受此惡報
無空畢竟空
當念報恩者
惡罵不瞋恨
當離諸一切
悉斷諸障礙
無礙智大悲
根力覺道分
我於波羅奈

若使有人來
知從業緣有
我必先世惡
觀身如影像
若人支解身
不以為歡喜
二皆是障礙
貪愛瞋恚心
忍辱十力本
皆以忍為本
皆以忍為本
轉無上法輪

段段解我身
眾生起善惡
今受此苦報
水沫幻化炎
有人將養我
利養不以喜
非佛正直道
常當修空寂
諸佛神通原
四諦念正勤
何智不修忍
亦以忍為本

諸佛常讚忍

汝等亦應修

空忍無生滅

諸法相常尔

乃得佛功德

復次富樓那其菩薩摩訶薩欲離五欲常樂出

家心順出家趣向出家不貪五欲得出家已離

諸慣鬧遠處山林不失善法菩薩成就此第

二法則能具足一切功德尔時世尊以偈頌曰

心常樂出家

而能常出家

常樂在山林

增益功德處

親近空閑

即離五欲著

此中無眾鬧

失諸善法緣

無有諸語言

往來問評事

空閑寂然快

諸佛所稱讚

是故諸菩薩

所應常親近

勿貪樂聚落

近生利養心

若得利養喜

失則生憂惱

此人供養佛

不名爲供養

欲除如是過

當離諸利養

遠離在空閑

修習於空法

復次富樓那菩薩常學求法求已讀誦謂求

淨戒頭陀細法不求多欲無馱足法求滅貪

欲不益貪欲求破瞋恚不增瞋恚求斷愚癡

不益愚癡求破憍慢不求起慢求破我慢不

求長慢求斷我我所法不求增我我所法求

無我法不求依止我人衆生壽命法常求能

得大智慧法不求退失大智慧法常求爲得

無等慧法不爲求得小慧法求得具足一切

諸法不求不具足諸功德法求如是法求已

讀誦思惟正觀如所說行爲人演說不求世

利乃至一人求稱讚善哉教多衆生令住是法
富樓那菩薩成就此第三法能得具足一切
功德尔時出尊以偈頌曰

菩薩樂出家

持戒行頭陀

以是增智慧

智雨益衆流

得是深淨法

正念思其義

於如所說中

能如所聞行

常以清淨心

爲人廣解說

饒益諸衆生

心無所希望

得諸功德味

自住是法中

亦令餘人住

是故增佛法

若於無量劫

所集諸功德

今皆現在前

攝入菩薩道

故應求深法

佛所稱讚者

常爲衆生說

功德從是生

富樓那菩薩摩訶薩安住持戒頭陀法中能

具一切善報福德富樓那過去久遠無量無
邊不可思議阿僧祇劫。爾時有佛號彌樓捷
馱如來。應供正遍知。明行足。善逝。出間解無
上士。調御丈夫。天人師。佛世尊。佛壽六十歲。
一會說法八十億比丘。得阿羅漢道。富樓那
彌樓捷馱佛滅後。法住五百歲。般涅槃後。七
日之中。諸大弟子皆亦隨佛入於涅槃。富樓
那是佛出於五濁惡世。如我今也。諸大弟子
滅度之後。多有衆生。皆作是念。沙門法中安
隱快樂。我等何不各共出家。作是念已。咸剃
鬚髮。法服出家。出家之後。唯行三事。一常周
旋往來。白衣舍。二唯貪著利養。自活三長肌

肥無有福慧行是三事不修餘業百歲之後
諸大弟子皆悉滅盡是等比丘多與白衣和
合佛諸深經持戒頭陀細行妙法多皆廢捨
不復讀誦富樓那當尔之時諸比丘衆樂行
五欲貪嗜飲食尔時國王唯有一子名陀摩
尸利王甚愛重時於靜處而作是念弥樓捷
馱佛爲得何法今諸弟子皆共放逸與諸白
衣所行無異作是思惟疑時有天神來至其
所隱身不現而作是言王子弥樓捷馱佛所
得深法清淨決定尔時王子聞天所說即作
是言弥樓捷馱佛所得深法清淨決定其事
云何荅言王子是法無色無受想行識無陰

界人無有五欲亦無欲心。彌樓捷馱佛得是
深法清淨決定為衆生說。爾時王子復問天
言我等可得聞是法不可得解。知如說行不
天言王子汝能一心勤行精進得之不難富
樓那。爾時三子即作是念。今是天神開悟我
意。我當出家求深法。即詣父母頭面作禮。
白父母言。我今欲於彌樓捷馱佛法中出家
為道。父母報言。汝今何用捨我。出家今諸道
人於佛法中白衣無異。爾時父母以偈答言。
今諸比丘衆。放逸受五欲。耕種行販賣
白衣無有異。貧窮多苦惱。不能自活者。
如是諸人等。求活故出家。汝今生王家。

富樂受五欲 多諸珍寶物 何用出家為

陀摩尸利王子以偈答父母言

我不求榮位 若得當捨離 我今唯欲求

佛法深淨戒 有天開悟我 勸進我出家

佛所說深法 我莫當得知 我聞天所說

心中大歡喜 佛法今欲滅 我當助護持

父母以偈答陀摩尸利言

深經已滅盡 無有持誦者 汝今當何從

得聞佛深法 若於四眾中 有誦深義者

汝先從彼受 然後可出家

陀摩尸利以偈答父母言 我今勤精進

淨戒行頭陀 遠處山林中 求佛深淨法

富樓那陀摩尸利說此偈已頭面作禮辭行
出家父母默然不能制止即詣比丘剃除鬚
髮著袈裟受戒以恭敬心問諸比丘彌樓捷
馱佛云何說法教諸弟子我得聞已當如說
修行富樓那諸比丘語陀摩尸利比丘言我
等不聞佛所說法但隨和上諸師所行汝今
亦應行如是法尔時陀摩尸利比丘答諸比
丘言汝等必從貧賤出家是故今者但貴衣
食所行如是白衣無異汝等今應與我共求
佛深淨法時諸比丘以偈答陀摩尸利比丘言
我等所為者 是事皆已得 衣食極豐足
免離王使役 安隱甚快樂 無敢輕慢者

白衣時苦惱

今皆無復有

是即名涅槃

第一使安樂

過是事以外

我皆不復用

我等多衣鉢

湯藥物甚多

白衣常給施

檀越家亦多

富樓那今時陀摩尸利比丘聞諸比丘說此

偈已心則悲惱涕零啼泣詣餘精舍復以是

事問諸比丘彌樓捷馱佛云何說法教諸弟

子我得聞已當如說行諸比丘眾亦如是答

余時陀摩尸利比丘即便捨離此諸比丘獨

入山林幽遠之處精誠一心欲求深法先時彌

樓捷馱佛諸弟子中有大弟子名為堅牢修

空閑行獨住深山少欲知足心樂遠離所作

已辨六通三明大阿羅漢亦如我今摩訶迦
葉是堅牢比丘所住深山石窟壁上書此偈言
生死不斷絕 貪欲嗜味故 養怨入丘塚
唐受諸辛苦 身臭如死屍 九孔流不淨
如廁虫樂糞 愚貪身無異 憶想妄分別
則是五欲本 智者不分別 五欲則斷滅
邪念生貪著 貪著生煩惱 正念無貪著
餘煩惱亦盡

富樓那堅牢比丘石窟壁上書此四偈陀摩
尸利比丘經歷深山見此石窟壁上四偈見
已讀誦思惟其義未久之間得五神通至弥
樓捷默沸平所燒處到已作禮圍遶三帀結

跏趺坐發誓願言我不見佛不聞餘法不起
於此富樓那彌樓捷馱佛所說經名八百千
門釋提桓因誦持是經釋提桓因知陀摩尸
利比丘深心愛法從初利天上來下至其所
爲說八百千門經又與四多聞本句七種重
句十四門句陀摩尸利比丘聞已誦持於諸
法中得智慧明彌樓捷馱佛所說清淨應空
應離諸深妙經自然在心又彌樓捷馱佛爲
現其身及比丘衆并所住處精舍牀榻大會
四衆天龍夜叉捷闍婆阿脩羅迦樓羅緊那
羅摩睺羅伽人非人等一切衆會悉令得見
陀摩尸利比丘於諸法中得智慧眼從坐處

起漸漸遊行還至本國到父母所為說清淨
應空應離諸深妙經稱揚讚佛法衆功德富
樓那尔時陀摩尸利比丘父母宮人大臣官
屬聞是法已信心恭敬語陀摩尸利比丘言
唯願大德濟度我等得於彌樓捷馱佛法中
出家富樓那尔時八万四千人俱隨逐國王

及王夫人一時出家出家之後皆号陀摩尸
利語諸比丘衆富樓那是陀摩尸利比丘還
令彌樓捷馱佛法續復熾盛使多衆生得住
其中是其宿命大慈悲心願護法故於是陀
摩尸利比丘從一聚落至一聚落從城至城
從國至國遊行稱讚彌樓捷馱佛及弟子功

德又以清淨應空應離諸深經法為諸衆生
廣演解說。爾時陀摩尸利比丘多為衆人供
養恭敬尊重讚歎。名聞流布。富樓那陀摩尸
利比丘如是廣益諸衆生。已後則命終。其諸
弟子比丘比丘尼優婆塞優婆夷皆共和合
以一切香木為積。供養燒身。共起塔廟。縱廣
十里。以衆華香末香塗香瓔珞幡蓋供養恭
敬尊重讚歎。富樓那陀摩尸利比丘臨命終
時。願還生此閻浮提內。即得隨願生在王家。
名為得念於彌樓捷駄佛後第三百歲法中
出家。以其本願宿命智。故諸門句陀羅尼句
自然還得以得陀羅尼力。故先未聞經能為

衆生敷演廣說不說前身曾所說者富樓那
時諸陀摩尸利比丘衆中深智明利厚善根
者聞得念所說諸經心皆隨喜信受恭敬供
養守護得念比丘其中比丘無有威德鈍根
者頑鈍闇塞薄善根者聞得念比丘所說新
法不信不受違逆說過作是言如是等經我
等不從和上諸師所聞本亦不從陀摩尸利
大師所聞富樓那其中深智依止義者不隨
語言以依義故心不違逆不違逆故則護彌
樓捷馱佛法恭敬守護得念比丘富樓那尔
時比丘比丘尼優婆塞優婆夷有八十那由
他人隨順得念比丘所說經法富樓那時陀

摩尸利諸弟子衆別爲二部一名陀摩尸利
諸比丘衆二名得念諸比丘衆得念比丘不
說我是陀摩尸利所以者何陀摩尸利比丘
人皆謂得阿羅漢道非是菩薩若自說者人
則疑惑得念比丘人皆知是菩薩非阿羅漢
富樓那得念比丘如是廣利諸衆生已後復
命終諸弟子衆以一切香木爲積供養燒身
四衆普集爲欲供養大師菩薩共起塔廟縱
廣五里以衆香華末香塗香瓔珞幡蓋供養
恭敬尊重讚歎富樓那得念比丘臨命終時
還復願生此閻浮提隨願得生大長者家名
爲耶舍以本願故得識宿命於彌樓捷馱佛

第四百歲始年七歲出家爲道得諸陀羅尼
陀羅尼力故能爲人說所未聞經於是得念
諸比丘衆隨摩尸利諸比丘衆其中厚善根
者得聞耶舍所說諸法心大歡喜皆得法樂
富樓那是諸比丘依止於義不隨語言是故
聞耶舍比丘聞所未聞應空深經合第一義
信受不逆能受持誦如所說行富樓那中有
比丘頑鈍闇塞薄善根者從耶舍比丘聞所
未聞所未合第一義應空深經不信不受違
逆毀壞而作是言如是法者我等不從和上
諸師所聞亦不從得念菩薩大師所聞富樓
那諸從耶舍比丘聞法歡喜心信受者皆爲

陀摩尸利比丘得念比丘等憎疾輕慢不聽
住止不共讀誦講說經法反更謗言此非佛
法非大師教富樓那爾時耶舍比丘廣宣流
布彌樓健馱佛法從一聚落至一聚落為衆
生說多所饒益教化八十億那由他人發阿
耨多羅三藐三菩提心耶舍比丘所饒益如

是後復命終其諸隨逐耶舍比丘有七萬人
為耶舍比丘起七万塔以衆香華塗香末香
瓔珞幡盖供養恭敬尊重讚歎富樓那耶舍
比丘臨命終時還復願生此閻浮提命終之
後即得隨願復生王家生時諸天發大聲言
今王所生多益衆生即隨此聲字為導師至

年十四於彌樓捷馱佛法第五百歲出家學
道是道師比丘廣誦經書多聞深入文辭清
辯善巧說法富樓那是道師比丘從一聚落
至一聚落從城至城從國至國流布彌樓捷
馱佛法多所饒益尔時陀摩尸利得念耶舍
諸比丘衆皆來合集造詣道師欲共毀破尔
時道師比丘知諸比丘來作是言汝諸比丘
問難何事以何事問云何而問諸比丘等聞
是語已憂愁不樂默不能答不能障礙道師
比丘富樓那隨此菩薩壽命在世佛法熾盛
隨其終後佛法則滅是道師比丘末後惡世
法欲滅時從一聚落至一聚落從城至城從

國至國為多衆生敷說清淨應空深經化八
百萬人令發阿耨多羅三藐三菩提心是人
命終皆生天上富樓那是道師比丘所益如
是今夜命終明日夜法滅富樓那彌樓捷馱
佛法滅故諸深清淨應空經法皆悉滅盡富
樓那如是菩薩摩訶薩以是深經守護佛法
能自具足善根福德富樓那是道師菩薩命
終之後即生彼土上方第十世界時彼佛号
善眼多陀阿伽陀阿羅訶三藐三佛陀即復
出家宿世善根福德因緣深慧明利辯才無
盡捷利無礙是道師比丘於善眼佛法中八
万四千歲修諸善法命終更生值第二佛号

日增肩於是佛所出家修集善根求阿耨多
羅三藐三菩提命終之後還生此土復值後
佛号不空行多陀阿伽陀阿羅呵三藐三佛
陀於佛法中復行出家七万歲中勤修善根
求阿耨多羅三藐三菩提時名首羅不空行
佛授其記言我滅之後是首羅比丘當得作
佛号無礙眼多陀阿伽陀阿羅呵三藐三佛
陀富樓那菩薩成就是第三法能得具足一
切功德尔時世尊欲明了此義而說偈言
菩薩聞甚深 清淨決定法 身自能安住
亦復教餘人 世間不得底 菩薩而不沒
住於淨戒中 廣利諸眾生 本事及譬喻

示衆以佛道

諸佛之所說

此是決定法

菩薩能行利

亦能利衆生

守護諸佛法

教衆以菩提

衆生如法事

菩薩皆爲作

教衆以佛道

是則近菩提

護持諸佛道

亦廣利衆生

諸天龍鬼神

天人所敬養

是故聞清淨

諸空深妙法

一心應思求

是則智增長

復次富樓那菩薩摩訶薩具足諸行諸行具

故則能具足善根福德何等爲行富樓那菩

薩親近善知識行布施持戒忍辱精進禪定

智慧方便何等爲菩薩善知識菩薩所從聞

如是經及教化方便諸佛阿羅漢及有深心求

佛道菩薩皆名菩薩善知識菩薩成就此第

四法則能具足一切功德入於阿耨多羅三藐三菩提

佛道菩薩皆名菩薩善知識菩薩成就此第
四法則能具足一切功德今時世尊以偈頌曰
我說諸菩薩
無有諸悔恨
常以此喜心
迴向於菩提
所當應行法
云何為歡喜
而行菩薩道
饒益諸衆生
自利無有量

若見有乞者
施遺我佛道
是人示我佛
快得大吉利
若有人來詣
我當盡相與
心生於佛想
我因於是人
教化我佛道
歡樂遍滿身
遙見而問訊
若言無所須
念是人今來
得淨佛國土
我今值此人
更不樂餘事
仁者須何物
菩薩亦歡喜

為欲教化我
少欲知足法
我今因此人
是語為善哉
菩薩若有者
於後無所悔
布施已迴向
盡使得知足
自然知止足
順道皆知足
如是無量行
衆生亦效我

故言無所須
今來開悟我
復得教以法
若言須此物
歡喜言汝取
以念佛道故
衆生皆有分
若行菩薩道
不生慳貪心
捨諸五欲著
以施而迴向
菩薩行布施

此賢以所樂
使得善提緣
汝言無所須
以是可與我
若行布施已
心常得歡喜
普令無所乏
衆生聞我名
今我國衆生
皆樂行出家
願常行布施
以慈覆衆生

一切諸世間

無有如是樂

如大富長者

多財饒珍寶

唯正有一子

積年久遠行

長者聞子還

歡樂遍滿身

久別而今歸

便若如更生

菩薩見乞人

其心大歡喜

長者歡喜分

十六不及一

若得施行已

心則大歡喜

慈心所生樂

此樂無有比

如王治罪人

勅使支節解

殺者將殺處

舉刀垂當下

王恕賜榮位

是人大歡喜

猶不及菩薩

施貧得歡喜

菩薩行道時

不求於福田

有乞則便與

故得大歡樂

菩薩若值佛

羅漢辟支佛

敬心知難遇

故往供養施

菩薩有威德

明利心調順

樂功德求道 供養佛及衆 不以深恭敬
奉事諸天神 唯除於諸佛 及諸佛弟子
若有辟支佛 自然得涅槃 亦行而供養
有是諸功德 菩薩亦能知 福田善不善
世間諸智者 不敬惡外道 安住持戒品
慈心覆衆生 精進無有比 忍智多聞廣
行是諸功德 於世爲高尊 能證佛菩提
轉無上法輪 菩薩能修行 如是上四法
一切諸善根 悉皆攝入此 無量億數劫
所修諸功德 悉皆攝入此 所行菩薩道
是故諸菩薩 應常修慈心 出家處山林
樂在空閑處 常求諸清淨 甚深決定法

具足菩薩行 以此自增長

神通力品第五

尔時世尊以神通力從身一一毛孔俱放百
千萬億光明又從一一毛孔出如須彌山等
大猛火炎又從一一毛孔出恒河沙等諸佛
說法時會大衆普見如是大神通力尔時世
尊現神力已還復如故語富樓那言汝見如
來從諸毛孔出是神力不已見世尊富樓那
如來常有如是神力無有休廢今諸弟子但
知如來在此說法而我實於十方恒河沙等
世界常作佛事無有休息亦於十方世界如
是說法富樓那若人實語何者是無等等無

此人兩足福田極深難測無邊行者舉足一步一切衆生不能得知不能思量何心何行舉足下足當說我是富樓那一切衆生不能思量如來爲以何思何心何行舉足下足此時世尊欲明了此義而說偈言
世尊以何思何行舉下足動不動衆生

常不知此事神通力無量行處亦無量
功德無量故第一極高尊大智慧無量
無能盡知者假令一切人智慧神通力
皆如舍利弗及與目捷連亦不能知我
舉足下足事正使一切人皆作辟支佛
不知我一步況餘深佛法假無量日月

合為一日輪
假使七方億
遍照無量土
合以為一日
常照十方界
是諸大日光
皆悉能障礙
鐵圍金剛山
威德無有量
衆生見如是
我等亦當得
世尊何故笑

不能及如來
那由他世界
如是諸大日
一光如須弥
比於佛光明
不能徹樹葉
如來光所照
徹過無有障
誰見不發心
光明大神力
時佛則微笑
無礙智願答

一毛孔光明
日輪縱廣等
如十方恒沙
如是諸大日
不現如焦樹
諸山河石壁
一切須弥山
光明神通力
唯除於不信
多發無上心
阿難即問訊
時佛答阿難

衆生今見我

所現大神力

發心願作佛

衆中三萬人

願護持是法

我等於佛後

讚誦如是經

是人我滅後

得聞是經法

中時及後時

聞已如說行

發道心者難

深樂佛法難

後世能持誦

是等經復難

千萬億數劫

諸佛出其甚難

於後末世中

說是經復難

尔時佛告阿難我以如是等經倍囑累汝所

以者何閻浮提內隨有如是菩薩藏經則有

佛法阿難如是等深經滅故如說行法亦滅

如說行法滅故佛法則滅阿難汝今當以第

一供養具供養於我云何為弟子以第一供

養具供養於我汝心勿謂名華好香末香塗
香幡蓋瓔珞衣服伎樂讚歎如來為上供養
阿難如是不名第一供養若人得聞如是等
深經受持讀誦如所說行是名以第一供養
具供養恭敬尊重讚歎於佛何以故諸佛皆
共供養恭敬尊重於法不貴世間諸供養具
是故阿難今以此經鄭重懇勸囑留於汝何以
故阿難我學如是等經今得阿耨多羅三藐
三菩提轉無上法輪過去諸佛本行菩薩道
時亦學如是等經得阿耨多羅三藐三菩提
轉無上法輪未來諸佛亦學如是等經當得
阿耨多羅三藐三菩提轉無上法輪現在十

方世界諸佛本行菩薩道時亦學如是等經
得阿耨多羅三藐三菩提今轉法輪是故阿
難是菩薩藏經名為轉法輪經當奉持之我
於波羅奈國梨師山鹿園中與聲聞弟子轉
於法輪阿難我今於此竹園中轉此菩薩藏
經不退轉輪斷一切衆生疑阿難過去諸佛
亦皆於此虛空地分說是菩薩藏經未來諸
佛亦皆於此虛空地分說此菩薩藏經我今
得阿耨多羅三藐三菩提亦於此虛空地分
說此菩薩藏經是故當知此地是佛大塔天
人世間所供養處阿難此地獨有不共功德
所謂過去諸佛於此說諸深經阿難所有貪

欲瞋恚愚癡衆生入此竹園不發貪欲瞋恚
愚癡阿難如來雖住諸餘精舍而皆無有如
是功德何以故阿難今此迦蘭陀竹林畜生
入者不發婬欲衆鳥入者非時不鳴摩竭泮
沙澆頂大王替初登位與諸妹女入此園中
共相娛樂入以自覺心無婬欲娛樂戲事諸

婬女衆亦皆自覺心無有欲不樂戲樂時王
歡喜每作是念願世有佛出於我國我當得
見見見已心信信已供養當以是園奉上於佛
佛於中住我當聞法何以故可供養者應住
此園非五欲人所應得住阿難泮沙王入此
竹園生是善心皆以過去諸佛住此園中說

此菩薩藏經是故此園所有功德不與餘共
一切世間天人阿脩羅皆應禮敬阿難是園
無有虻蚋蜈蚣蚊蚤毒螫若住其中無復毒
心亦是竹園不共功德我若百歲稱說此園
所有功德猶不能盡何以故阿難今此竹園
精舍成就無量功德餘處不尔阿難白佛言
我本不知竹園乃有如是功德世尊我本不
欲爲佛侍者我今懺謝如是過罪佛告阿難
汝初於法得法眼淨今時已爲除滅是罪也

大寶積經卷第七十八

皇



上疾下	椎	哲	也	憂
慈舉直	胃	捷	廐	憤
醉消足錄	追	上	下	上
反反而反	反	直	他	丑
嘶	不	驤	達	之
西音進	首	反	反	飼
也謂	馬	上	償	馬
苑	昂	息	賜	之
園	頭	良	執	上
苑下也	反	局	音	惺
有音	局	其	剔	悟
垣右反	玉	駸	并	上
日無	垣	躑	反	息
圓垣	躑	上	屈	迴
日躑	躑	除	他	眄
焦	亦	上	漸	上
悴	反	直	反	音



猪飼順良寄附

